

Namminersorlutik Oqartussat

Grønlands Selvstyre

Akilerartarnermut Aqutsisoqarfik

Skattestyrelsen

Kaajallaasitaq nr. 1, 17. september 2012-imeersoq

Biileqartitaanerup akilerartarneq pillugu suliarineqartarneranut tunngatillugu kaajallaasitaq.

Aallaqqaasiussatut oqaaseqaatit

Biileqartitaanerup akileraaruserneqartarnera Inatsisartut inatsisaanni nr. 12, 2. november 2006-imeersumi § 19 tunngavigalugu pisarpoq.

Ukiumoortumik naligitinneqartut akileraaruteqaataasussat 40.000 koruunit, 20.000 koruunit aamma 10.000 koruunit Inatsisartut inatsisaatigut nr. 3, 30. november 2009-meersutigut 60.000 koruunit, 30.000 koruunit aamma 15.000 koruunit qaffanneqarput.

Inatsisartut inatsisaatigut nr. 20, 18. november 2010-meersukkut biileqartitaanerit – biiliniq sullivittut aqqissukkanik qamutinillu motoorilinnik immikkut ittunik allanik – akileraaruserneqartarnerinut malittarisassat sukanganninnerusut Inatsisartut inatsisaannut ivertinneqarput. Malittarisassat ukioq aningaasarsiorfik 2010 aallarnerfigalugu atuutilerput.

Kaajallaasitaq immikkoortunik makkuninnga imaqarpoq:

IMMIKKOORTOQ 1

- 1.1. Namminerisamik biilernissamut biilnik atugassaqartitaaneq
- 1.2. Nalingata annertussusilernissaanut tunngaviusut pingaarnerit, tak. § 19, imm. 2, 3 aamma 4
 - 1.2.1. Biilnut sullivittut aqqissukkanut qamutinullu motoorilinnut immikkut ittunut allanut ukiumoortumik naligitinneqartoq, tak. § 19, imm. 5, oqaaseqatigiit siulliit
 - 1.2.2. Biilnut sullivittut aqqissukkanut qamutinullu motoorilinnut immikkut ittunut allanut, taamaallaat atorfeqartumit angerlarsimaffiup suliffiullu akornanni atorneqartartunut ukiumoortumik naligitinneqartoq, tak. § 19, imm. 5, oqaaseqatigiit aappaat
 - 1.2.3. Lastbiilit il.il., tak. § 19, imm. 6
- 1.3. Sulisut suliartoqquneqaratarsinnaallutik sillimasut – nalinginnaasumik, tak. § 19, imm. 8
 - 1.3.1. Sulisut suliartoqquneqaratarsinnaallutik sillimasut - biilit sullivittut aqqissukkat qamutillu motoorillit immikkut ittut allat atorlugit biilertut, tak § 19, imm. 9
- 1.4. Ukiup aningaasarsiorfiusup ilaannaanut biilnik atugassaqartitaaneq, tak. § 19, imm. 7, oqaaseqatigiit siulliit
- 1.5. Nammineq akiliuteqarneq, tak. § 19, imm. 7, oqaaseqatigiit aappaat

IMMIKKOORTOQ 2

2. Kalaallit Nunaata avataani biileqartitaanerup akileraaruserneqartarnera
3. Namminersorlutik inuussutissarsiuteqartut

Ilanngussaq: Ukiumoortumik naligitinneqartunut takussutissiaq.

IMMIKKOORTOQ 1

1.1. Namminerisamik biilernissamut biiliniq atugassaqtitaaneq

Atorfeqartup biilimik namminerisamik atugassaanik sulisitsisoq atugassaqtitsiguni, atorfeqartoq tamatumunnga tamakkiisumik akiliisussaatinagu, biileqartitaaneq pineqassaaq, taassumalu nalinga atorfeqartup aningaasarsiaasa akileraaruteqaataasussat naatsorsornerannut ilanngunneqassaaq. Tamanna aamma atuuppoq inunnut siulersuisuni, ataatsimiititaliani, kommissionini, siunnersuisooqatigiinni, immikkut qinikkani allatulluunniit ataatsimoorfiusuni, tamatumani ilanngullugit Naalakkersuisunut, Inatsisartunut kommunalbestyrelsinullu ilaasortatut qinerneqarsimasunut taakkunungaluunniit ikiortaasunut. Biileqartitaanerup nalinga nammineerluni nalunaarsuinermini aningaasarsiatut B-tut nalunaarneqassaaq.

Biilip namminerisamik atorneqarsinnaanera pillugu aalajangiinermini maannamut periaasiusutut aallaavigneqassaaq, atorfeqartup sulereernermit biili angerlaattarneraa. Taamaattoqarpas biileqartitaaneq pineqassaaq, angerlarsimaffiummi suliffiullu akornanni biilerneq namminerisamik biilernerummat. Apeqqutaanngilaq angerlarsimaffiup suliffiullu akornat imminnut qanoq isorartutiginersoq, taamatuttaarlu apeqqutaanani sulisitsisup atorfeqartoq biilimik angerlaassisaqqusimaneraa, asser-suutigalugu aserorteriffigineqarnissaq assigisaalluunniit pinaveersimaartinniarlugit.

Biileqartitaaneq pillugu malittarisassat biilinit sulisitsisumit pigineqartunut il.il. taamaallaat atuutinnngillat, aammattaarli biilinit sulisitsisup il.il. (piffissami sivisuumik attartugaanut) attartugaanut atuullutik.

§ 19 taamaallaat biilinit, qanoq ittuuneri suunerilu naapertorlugu namminerisamik biilinit taartasutut atorneqarsinnaasunut atuuppoq, taamaattorli lastbiilinit 4 tonsit sinnerlugit oqimaassusilinnut kiisalu biilinit kranilinnut biilinnullu tankiutigisunut il.il. atuutinnngilaq.

§ 19 nunaqarfinni, kommunit aggornerisa avataaniittuni kiisalu Kalaallit Nunaata avataani atorfeqartunut biilinit namminerisamik atugassanngortitanut atuutinnngilaq.

1.2. Nalingata annertussusilernissaanut tunngaviusut pingaarnert, tak. § 19, imm. 2, 3 aamma 4

Atorfeqartunut biileqartitaanerup aammalu akileraartarnermini oqartussaasut allaffissornikkut aqut-sinissaat oqinnerusooq kissaatigineqartoq aalajangiusermaniarlugu, taamaalilluni biilernermit allattaaviit imaluunniit akileraartarnermini oqartussaasuninngaanniit atorfeqartut ataasiakkaat nammine-risamik biilertarnerisa qanoq annertutiginerannik missingersuummik naatsorsorneqartannnginnissaat pisariaqarunnaarsikkumallugu, biileqartitaanerup nalilernissaanut ukiumoortumik naligitinneqartus-sanut "nunami piffinni" sumiiffiit tunngavigalugit aalajangersarneqarput.

Biileqartitaanermit ukiumoortumik naligitinneqartussanut illoqarfinni aqquusernit qanoq annertussu-seqarneri aalajangiisuussapput.

**Ukiumoortumik
naligitinneqartoq
15.000 kr.**

Aqquuserngit 25.000 m²-init annikinneruppata

Aqquuserngit 25.000 m²-init annertuneruppata, 75.000 m²-illi

siddersimanagit **30.000 kr.**

Aqquserngit 75.000 m²-init annertuneruppata **60.000 kr.**

Illoqarfiit ukua maannakkut aqqusineqarput 25.000 m²-it ataallugit annertussuseqartunik:
Kangaatsiaq, Qaanaaq aamma Ittoqqortoormiit.

Illoqarfiit ukua maannakkut aqqusineqarput 25.000 m²-it sinnerlugit 75.000 m²-illi sinnernagit annertussuseqartunik: **Nanortalik, Ivittuut, Paamiut, Maniitsoq, Qasigiannugit, Qeqertarsuaq, Uummannaq, Upernavik aamma Tasiilaq.**

Illoqarfiit ukua maannakkut aqqusineqarput 75.000 m²-it sinnerlugit annertussuseqartunik:
Qaqortoq, Narsaq, Nuuk, Sisimiut, Aasiaat aamma Ilulissat.

Illoqarfimmi aqquserngit ukiup ingerlanerani 25.000 m²-inut imaluunniit 75.000 m²-inut taakkua-luunniit qaangerlugit annertussuseqalerpata, ukiumoortumik naligitinneqartoq akileraaruteqaataa-sussaq ukiup aningaasarsiorfiusup tulliuuttup aallartinneraniit aatsaat allanngortinneqassaaq. Tunnga-viusoq taamaattoq malittarineqassaaq aqquserngit annikinnerulerpata.

Atorfeqartoq ukiup aningaasarsiorfiusup ingerlanerani illoqarfimmiit illoqarfimmut allanut nuup-pat, ukiumoortumik naligitinneqartoq akileraaruteqaataasussaq, illoqarfimmi marluusuni taakkunani biilip atorfeqarfii ullut qanoq amerlatigissusiat tunngavigalugit naatsorsorneqassaaq. Atorfeqartoq Nuummiit Maniitsumut 1. maj nuukkuni biileqartinneqarnermi naligitinneqartoq akileraaruteqaataa-sussaq naatsorsorneqassaaq 60.000 kr.-init ullunut 120/365-inut aammalu 30.000 kr.-init ullunut 245/365-inut = 39.863 kr.

Ukiumoortumik naligititap akileraaruteqaataasussap naatsorsornissaani sunniuteqartussaanngilaq atorfeqartoq taassumaluunniit inoqutai namminerisaminnik ataatsimik arlalinnilluunniit biileqarner-sut. Aappariit tamarmik immikkut biileqartitaappata, aappariit biilinit marlunnut ukiumoortumik naligitinneqartoq nammineerluni nalunaarsuinerminni nalunaarutigissavaat.

1.2.1. Biilinit sullivittut aqqissukkanut qamutinullu motoorilinnut immikkut ittunut allanut ukiumoortumik naligitinneqartoq, tak. § 19, imm. 5, oqaaseqatigiit siulliit

Biilit sullivittut aqqissukkat imatut paasineqassapput tassaasut biilit karsiusat aalajangersukkanik ilisivillit kiisalu aalajangersukkanik sannatillit aqqissuussat. Qamutit motoorillit allat assersuuti-galugu tassaapput biilit ornigugasuartaatit, toqusup illerfianik assartuutit assigisaallu assigiinngitsu-nik ilusillit tamarmik. Biilit ornigugasuartaatit imatut paasineqassapput tassaasut biilit politiit suli-assaannut, inunnik annaassiniarnermut, ikuallattunut, mingutsitsinermik ajutoortoqarneranut, aqqu-sinikkut angallannermi ajutoornernut imaluunniit ajoqusernerit annertuut pinaveersartinnissaannut atorfeqartartut, biilit tungujortunik ataatsimik arlalinnilluunniit ikittaartoqartussanngorlugit aamma-lu marlunnik nipilimmik siggartaateqartussanngorlugit akuerisaasimappata.

Biilinit sullivittut aqqissukkanut qamutinullu motoorilinnut immikkut ittunut allanut ukiumoortu-mik naligititaq akileraaruteqaataasussaq inuinnaat biiliinut il.il. ukiumoortumik naligititap affaanut aalajangerneqarpoq, tassalu 30.000 kr.-inut, 15.000 kr.-inut 7.500 kr.-inullu, tamatumani apeqqu-taalluni biilit taakkua illoqarfimmi sumi atorfeqarnerisut, tak. imm. 1.2.

1.2.2. Biilinit sullivittut aaqqissukkanut qamutinullu motoorilinnut immikkut ittunut allanut, taamaallaat atorfeqartumit angerlarsimaffiup suliffiullu akornanni atorneqartartunut ukiumoortumik naligitinneqartoq, tak. § 19, imm. 5, oqaaseqatigiit aappaat.

Atorfeqartup biili sullivittut aaqqissugaq imaluunniit qamut motoorilik immikkut ittoq alla angerlarsimaffiup suliffiullu akornanni taamaallaat atortarpagu, ukiumoortumik naligitinneqartoq akileraaruteqaataasusaaq 15.000 kr.-inut, 7.500 kr.-inut 3.750 kr.-inulluunniit aalajangerneqassaaq, apeqqutaatillugu biilit taakkua illoqarfimmi sorlermi atorneqarnersut.

Naligitinneqartumut appassissumut tassunga piumasaqaataalluinnarpoq biilit taakkua taamaallaat angerlarsimaffiup suliffiullu akornanni atorneqassasut, taamatuttaarlu sulisitsisup peqqussut malearuarneqarnersoq nakkutigissagaa ilimagineqarluni. Atorfeqartoq ukiup ingerlanerani ataasiaannarluni biilini taakkuninnga namminerisamik allatut biilersimappat, biilerneq taamaattoq ukiumoortumik akigitinneqartut imm. 1.2.1.-imiittut malillugit akileraarusiissutaassaaq.

1.2.3. Lastbiilit il.il., tak. § 19, imm. 6.

Lastbiilini 4 tonsit sinnerlugit oqimaassusilinnik kiisalu biilini eqqaassutini, kranilinnik biiliniilluunniit tankiutigisunik namminerisamik biilerneq akileraaruserneqassanngilaq, pissutigalugu biilit taakkua namminerisamik biilit taartigisinnaasaattut atorneqarnissaat naatsorsuutigineqanngimmat.

1.3. Sulisut suliartoqquneqaratarsinnaallutik sillimasut - nalinginnaasumik, tak. §19, imm. 8.

Sulisunut suliartoqquneqaratarsinnaallutik sillimasunut atatillugu angerlarsimaffiup suliffiullu akornanni biilerneq akileraaruserneqarneq ajorpoq. Suliartoqquneqaratarsinnaanermut sillimaneq tassaavoq atorfeqartoq pigaartuunermi nalaani angerlarsimaffimmiit "sumiiffinnut aalajangersimasuunngitsunut" aggeqquneqartarpat.

Suliartoqquneqaratarsinnaanermut sillimaneq § 19, imm. 8-misut paasineqassappat, tunngaviusut peqqussutigineqassaaq suliffiup nalinginnaasup kingornatigut angerlarsimanissaq kiisalu suliartoqquneqaratarsinnaanermut immikkut tapimik akissarsiaqartinneqarnissaq, suliartoqquneqarnissaq suliartoqquneqannginnissarluunniit apeqqutaatinnagit. Inuk attaveqarfissaq, sulisitsisup pigisaasa aalaakkaasut ajoqusersimassappata tillinniarfigineqarsimappataluunniit, suliffiup nalinginngaasup avataatigut suliartoqquneqarsinnaasoq, § 19, imm. 8-misut paasineqassappat, suliartoqquneqaratarsinnaatitaanermut sillimanerunngilaq.

Atorfeqartoq suliartoqquneqaratarsinnaanerup atuuffiani nammineq inuttut inuunermini killilersuuteqartitsinissaanik piviusumik peqquneqassaaq. Atorfeqartoq assersuutigalugu suliartoqquneqaratarsinnaanerup atuuffia tamaat suliarorsinnaasariaqarpoq qasuersimalluni aammalu imigassartorsimanani. Taamatuttaaq piviusumik pisussaaffeqarneq pineqassaaq. Tullerriaaraluni oqarasuaatikkut kalerriisarnermi, tamatumani atorfeqartup suliarortussaataitanini tulliulluni allassimasumut nuutipagu, tamanna piviusumik pisussaanertut isigineqarsinnaanngilaq.

Angerlarsimaffik imatut paasineqassaaq, tassaasoq nalinginnaasumik siniffigisartagaq, feeriaqarneq, suliffimmut atasumik angalaneq, napparsimaneq assigisaalluunniit pissutigalugit peqanngikkallanngikkaanni, kiisalu pigisaqarfiusoq.

“Sumiiffiit aalajangersimasuunngitsut” imatut paasineqassapput tassaasut illoqarfimmi suliffiugal- lagassanut ilisimariinngisanut aggersarneqarsinnaaneq. Sumiiffiit ilisimanissaat aalajangiisuunngi- laq, kisiannili tamakkua ima amerlatigaat sumiiffinnut assigiinngitsunut amerlaqisunut sorlernut aggeqquneqarnissaq ilisimaneqarani. Suliffik nalinginnaasoq “sumiiffinnut aalajangersimasuunngit- sunut”ilaatinneqanngilaq, aammattaaq sulisitsisoq illoqarfimmi arlalinnik sumiiffeqaraluarpulluun- niit.

Akileraaruteqartitsinnginnissamut piumasaqaataalluinnarpoq sulisitsisup atorfeqartup suliartoqqu- neqaratarsinnaanermut sillimaneranut atatillugu angerlarsimaffiup suliffiullu akornanni biilertarnis- saanut allakkatigut peqqussuteqarfigissagaa kiisalu allakkatigut aalajangissallugu atorfeqartoq aam- mattaaq suliartoqquneqaratarsinnaanermut sillimanerup nalaani namminersuutigalugu biilissanngit- soq. Naatsorsuutigineqarpoq sulisitsisup allakkatigut peqqussuteqarneq maleruarneqarnersoq nak- kutigissagaa. Atorfeqartoq ukiup ingerlanerani pigaartutut aggeqquneqaratarsinnaanermi nalaani ataasiaannarluni namminerisaminik biilersimaguni, biilerneq taamaattoq imm. 1.2.-mi 1.2.1.-imi- luunniit ukiumoortumik naligititaq naapertorlugu akileraarusiiffigineqassaaq. Assersuutigiinnaarl- ugu ima pisoqarsinnaavoq, atorfeqartoq sap. akunnerata naanerani suliartoqquneqaratarsinnaalluni sillimasuusoq, sapaammi ullaakkut biilerluni iffiorfimmuot iffiugarsiniartoq imaluunniit ualikkut ila- quttaminut pulaartoq.

Atorfeqartoq Nuummi assersuutigiinnarlugu ukioq ilivitsaq biileqartitaaguni, taamaattorli ukiup aningaasarsiorfiusup ingerlanerani ulluni 30-ni suliartoqquneqaratarsinnaalluni sillimasuutitaaguni, taava naligitinneqartoq akileraaruteqaataasussaq naatsorsorneqassaaq 60.000 kr.-init ullunut 335/365-inut = 55.063 kr.

1.3.1. Sulisut suliartoqquneqaratarsinnaallutik sillimasut - biilit sullivittut aaqqissukkat qamutillu motorillit immikkut ittut allat atorlugit biilertut, tak § 19, imm. 9

Sulisut sulisitsisuminnit allaganngorlugu uppersaataatimmik suliartoqquneqaratarsinnaatitaallu- tik sillimasuutitaanerannut atatillugu biilinnik sullivittut aaqqissukkanik imaluunniit qamutinik mo- toorilinnik immikkut ittunik allanik atugassanik biileqartinneqarnertik akileraarutigissanngilaat.

Pimasaqaatinut nalinginnaasut allaasutaavoq sulisup suliartoqquneqaratarsinnaanermut nammineris- samik biilit sannavittut aaqqissukkat il.il. angerlarsimaffiup suliffiullu akornanni avataatigut allanut atorsinnaagamikku, assersuutigalugu pisiniarfiliartillutik, meeqqaminik meeqqerivimmukaassitillu- tik aallertillutillu, ilaqtaminnut ikinngutiminnullu pulaartillutik il.il.

Qaqugukkat suliartoqquneqaratarsinnaalluni sillimanermut piumasaqaatit nalinginnaasumik piuma- saqaatit assigai. Sulisoq suliartoqquneqaratarsinnaanermi nalaani ilaatigut sillimasussaataaerannut tapinik akissiaqartinneqassaaq, nammineq inuttut inuunermini killilersuuteqartitsinissaanik piviusu- mik peqquneqassaaq, taamatuttaaq pisussaaffeqavissutut pineqassalluni.

Akileraaruteqartitsinnginnissamut piumasaqaataalluinnarpoq sulisup suliartoqquneqaratarsinnaaner- mut sillimaneranut atatillugu biilinnik atuinissaanut sulisitsisup allakkatigut peqqussuteqarfigissa- gaa. Sulisup suliartoqquneqaratarsinnaanermut sillimaneranut atatillugu biilinnik atuinissaanut suli- sitsisup allakkatigut peqqussuteqarfigisimannikkuniuk, biilinnik namminerisamik atuinera, matu- mani angerlarsimaffiup suliffiullu akornanni biilernerani, ukiumoortumik naligitinneqartoq immik- koortoq 1.2.1.-mi taaneqartoq malillugu akileraarusersorneqassaaq.

1.4. Ukiup aningaasarsiorfiusup ilaannaanut biilnik atugassaqtitaaneq, tak. § 19, imm. 7, oqaaseqatigiit siullit

Atorfeqartoq ukiup aningaasarsiorfiusup ilaanut taamaallaat biileqartitaaguni, ukiumut naligitinneqartoq naapertuuttoq naatsorsorneqassaaq. Ukiumut naligitinneqartoq naapertuuttoq ukiup ingerlanerani ulluni qassini atorfeqartup biileqartitaanera malillugu naatsorsorneqassaaq.

Atorfeqartoq Nuummi assersuutigiinnarlugu piffissami 1. januarimiit 3. maajimut biileqartitaaguni, naligitinneqartoq akileraaruteqaataasussaq 60.000 kr.-init ullunut 123/365-inut naatsorsorneqassaaq = 20.219 kr.

Sulisitsisup atorfeqartoq biilimik atuinissaanut erseqqissumik killiliiffigissavaa, atorfeqartoq atuisinnaatitaanerminut ukiumut ilivitsumut akileraartitaassanngippat. Assersuutigiinnarlugu atorfeqartup sulisitsisuminik isumaqatigiissuteqarneq naapertorlugu biili nammineerluni sulisitsisuminut tunniussinavaa, atorfeqartoq aallarniaruni. Ilaanakortumik atugassaqtitaanerminu atorfeqartoq ukiumoortumik akigitinneqartumik akileraaruteqartussanngortinneqassaaq, biilip sulisitsisumut tunniunneqarfiani ullut amerlassusiisa nalingat ilanngaatalugulu.

Assersuutigalugu atorfeqartup biili piffissami 4/5-imiit 19/6-mut sulisitsisuminut tunniukkuniuk, tassunga ukiumoortumik akigitinneqartoq 60.000 kr.-inut aalajangersimasoq naligitinneqartoq akileraaruteqaataasussaq 60.000 kr.-inut naatsorsorneqassaaq, 60.000 kr.-init ullut 47/365-it ilanngaatalugit = 52.273 kr.

Atorfeqartup biili sulisitsisuminut tunniutinngippagu, biileqartitaanermut ukiumoortumik naligitinneqartoq akileraarusiiffigineqartussaq, atorfeqartup pineqartup aallarsimanerani taamaallaat atorfeqartut allat biilimut akileraarusiiffigineqarnerisut annertutigisumik annikillineqassaaq. Pisortanut il.il. biileqartinneqartunut tamanna pillugu nalinginnaasumik aallaavigineqassaaq akileraarusiineq ukiumoortumik naligitinneqartoq malillugu ingerlanneqassaaq peqannginnermut ilanngaatitaqanngitsumik.

1.5. Nammineq akiliuteqarneq, tak. § 19, imm. 7, oqaaseqatigiit aappaat

Ukiumoortumik naligitinneqartut qulaani taaneqartut atorlugit biileqartitaanerminu akileraarusiinnermut aallaaviuvoq, sulisitsisup biilip ingerlanneqarneranut tunngasumik aningaasartuutini tamanik akiliisarnera, tamatumaniissaaq ilanngullugit ingerlatissamut aningaasartuutit.

Atorfeqartoq biilimik atuisinnaanerminut sulisitsisumut akiliisarpas, ukiumoortumik akigitinneqartoq akileraaruteqaataasussaq aningaasat akiliutigineqartut amerlassusiannik ilanngarneqassaaq. Ilangaanerli ukiumoortumik naligitinneqartumit akileraaruteqaataasussamit anginerusinnaanngilaq. Atorfeqartup assersuutigalugu, ukiumoortumik naligitinneqartoq akileraaruteqaataasussaq 60.000 kr.-inut aalajangersimappat, namminerisamik biilimik atuinermut sulisitsisuminut 500 kr.-inik qaammammut akiliisaruni, naligitinneqartoq akileraaruteqaataasussaq 60.000 kr.-it 6.000 kr.-inik ilanngarlugu annertussusilerneqassaaq = 54.000 kr.

Nammineq akiliutissaq ukiumi aningaasarsiorfiusumi akilerneqarsimassaaq, ukiumilu tassani akileraarusiineq ingerlanneqassalluni, namminerlu akiliutissaq pigisanut akileraaruteqaataasussanut tunngasoq sulisitsisumut toqqaannartumik isumagineqassalluni. Sulisitsisup taamaalilluni atorfeqartup aningaasarsiaanit akileraarutit A-t ilanngaatigissavai, aningaasat nammineq akiliutissatut isumaqa-

tigiissutigineqarsimasut akiligassanngortinneqannginneranni. Apeqqutaanngilaq nammineq akiliutissat ukiup ingerlanerani naafferartumik akilersorneqassanersut imaluunniit ukiumut ataatsikkut akilerneqassanersut. Sulisitsisup periaaseq nalinginnaasoq atorlugu atorfeqartup nammineq akiliutai aningaasatut isertitatut naatsorsuusiussavai.

Aningaasat, atorfeqartup nammineerluni akiliutigisimasinnaasai soorlu ingerlatissarsinermut, taamaalillutik ukiumoortumik naligitinneqartup akileraaruteqaataasussap annikillisinnissaanut atorneqarsinnaanngillat.

IMMIKKOORTOQ 2

2. Kalaallit Nunaata avataani biileqartitaanerup akileraaruserneqartarnera

§ 19-imi malittarisassat atorfeqartumut Kalaallit Nunaata avataani biilinit atugassaritinneqartunut atuutinngillat, taamaattumillu atorfeqartoq akileraaruserneqassalluni Naalakkersuisunit biileqartitaanermi naligitinneqartoq pillugu ukiumoortumik najoqqutassatut unnersuussinerani takuneqarsinnaasoq malillugu.

3. Namminersorlutik inuussutissarsiuteqartut

§ 19-imi malittarisassat namminersorlutik inuussutissarsiutilinnut biilinit ilaatigut namminerisamik ilaatigullu inuussutissarsiutinut atasumik atuisunut atuussinnaanngillat. Namminersorlutik inuussutissarsiuteqartunut pigisat nalillit inuussutissarsiornermut aammalu namminerisamik atorneqartartut pillugit maleruagassat atussavaat, tamatumani ingerlatsinermi aningaasartuutit aammalu nalikilliliisoqassappat nalilikilliliinerit ilanngullugit, biilip inuussutissarsiornermut atornerata qanoq annertutiginera naapertorlugu taamaallaat ilanngaatigineqarsinnaallutik.

*Akileraartarnermut Aqutsisoqarfik
Nuummi, ulloq 17. september 2012*

Kim N. Nielsen

Ukiumoortumik naligitinneqartunut takussutissiaq

Biilit suuneri:	Biilit tamarmik, biilit sullivittut aqqissukkat / qamutit motoorillit immikkut ittut lastbiillu 4 tonsit sinn. oqimaassusillit pinagit	Biilit suulluun-	Biilit sullivittut aqqissukkat / qamutit motoorillit immikkut ittut ⁽¹⁾			Lastbiilit 4 tonsit sinn. oqimaassusillit kiisalu biilit tankiutigisut, kranitallit aamma eqqagassanik assartuutit
		Suliartoqquneqaratarsinnaanermut atatillugu taamaallaat angerlarsimaffi-up suliffiullu akornanni biilerneq ⁽²⁾	Nalinginnaasumik namminerisamik biilerneq	Taamaallaat angerlarsimaffi-up suliffiullu akornanni biilerneq ⁽³⁾	Suliartoqquneqaratarsinnaanermut sillimaanerup nalaani biilerneq, tak. § 19, imm. 9 ⁽⁴⁾	
Sumiiffiit:						
Aqqusernit 75.000 m ² -it taakkunanngaluunniit anner-tunerusut; <i>Qaqortoq, Narsaq, Nuuk, Sisi-miut, Aasiaat, Ilulissat.</i>	kr. 60.000	kr. 0	kr. 30.000	kr. 15.000	kr. 0	kr. 0
Aqqusernit 25.000 m ² -it 75.000 m ² -illu akornanni an-nertutigut; <i>Nanortalik, Ivit-tuut, Paamiut, Maniitsoq, Qasi-giannugit, Qeqer-tarsuaq, Uum-mannaq, Uperna-vik, Tasiilaq.</i>	kr. 30.000	kr. 0	kr. 15.000	kr. 7.500	kr. 0	kr. 0
Aqqusernit 25.000 m ² -init annikinnerusut; <i>Kangaatsiaq, Qaanaaq, Ittoq-qortoormiit.</i>	kr. 15.000	kr. 0	kr. 7.500	kr. 3.750	kr. 0	kr. 0

Tamatuma saniatigut malittarisassaq imaattoq atuuppoq: Biili ukiup ilaanut taamaallaat ator-neqar-sinnaatitaappat, nalinga akileraaruteqaataasussat ullut biilip ator-neqanngiffiisa amerlassusiannik ilanngarneqassaaq.

Kiisalu akissarsiortup sulisitsisuminut biilimik attartornerminut akiliutigisinnaasai nalinganit akile-raaruteqaataasussamit ilanngaatingeqassapput.

Nassuiaatit:

1. Biilit sullivittut aqqissukkat imatut paasineqassapput tassaasut biilit karsiusat aalajanger-sukkanik ilisivillit kiisalu aalajangersukkanik sannatilittut aqqissuussat. Qamutit motoorillit

immikkut ittut allat assersuutigalugu tassaapput biilit toqusup illerfianik assartuutit assigisaallu.

2. Naatsorsuutigineqassaaq sulisitsisup atorfeqartoq allakkatigut peqqussuteqarfigigaa, biili aggeqquneqaratarsinnaanerup nalaani namminerisamik biilernermit atorneqassanngitsoq.
3. Naatsorsuutigineqassaaq sulisitsisup atorfeqartoq allakkatigut peqqussuteqarfigigaa, biili namminerisamik biilernermit taamaallaat angerlarsimaffiup suliffiullu akornanni atorneqassasoq.
4. Biilit sullivittut aqqissukkat imatut paasineqassapput tassaasut biilit karsiusat aalajangersukkanik ilisivillit kiisalu aalajangersukkanik sannatilittut aqqissuussat. Qamutit motoorillit allat assersuutigalugu tassaapput biilit ornigugasuartaatit, toqusup illerfianik assartuutit assigisaallu assigiinngitsunik ilusillit tamarmik.